

so han jch obgenanter hans von wartow für mich vnd für alle min erben von den vorbenempten minen genaedigen⁷ herren gemain Capitel ze Cûr jn aines/Rechten redlichen jemer ewigen vnd jemer werenden kouffes wise enphangen dryssig pfunt pfening Costentzer mûns genaemer Curer werschaft. des geltes jch gantzlich vnd gar von/jnen gewert vnd bezalt bin. vnd es jn minen guoten³ redlichen nutz bekêret hân nach miner vergicht. vnd dar vmb so entzich jch mich jetz wissentlich. recht vnd redlich vnd eweklich / für mich vnd für alle min erben aller Rechtung, aller aigenschaft, vordrung vnd ansprâch. so jch zuo³ den vorbenempten minen aigen guetern⁸ vnd dem jaerlichen⁷ zins je gehebt hân / ald jch oder min erben darzuo³ jemer mer gehalten moechtent¹⁶ thains wegs; Vnd setz ovch¹¹ darzuo³ für mich vnd für alle min erben gemain Capitel dez Tuoms³ ze Cûr vnd alle jr nach/komen ze des vorbenempten jaerlichen⁷ zins vnd ewigen geltes handen ab vnd vss den vorgeschribnen¹⁷ guetern⁸ ze jro vnd jr nachkomen handen jn vollen nucz jn gewalt vnd jn liplich nutzlich / gewêr, also das gemain¹⁸ Capitel des Tuoms³ ze Cûr vnd alle jr nachkomen den vorbenempten jaerlichen⁷ zins vnd ewiges¹⁹ gelt hinnanhin jemer eweklich vnd alle jar besunder je ze sant/Martins tag an die vorbenempten Haintzlin Sifrid. Margarethen sin elich wib. vnd an jr erben vnd nachkomen sond vordren vnd den gantzlich sond jn nemen vnd ze jren handen ziehen vnd / für aigen haben vnd niessen. versetzen vnd verkouffen als ander jr aigen zins vnd ewig gelt. alz jch dz vntz her gehebt, genossen vnd genomen hân. Vnd sond ovch⁴ Haintzli Sifrid Margareth sin elich wib / vnd jr erben gemainem Capitel ze Cûr vnd jren nachkomen mit demselben zins hinnanhin jemer gewaertig⁷, willig vnd gehorsam sin vnd jnen den zins alle jar vsrichten vnd bezalen mit / allen den Rechten dingen vnd gedingen bûnden vnd artikeln. alz sy mir den zins vntz her gewert vnd geben hâud. alz jr Erblehen brief wist vnd sait. das ist also ze merken. waz dez selben / zins vff sant hylaryen tag vssgestât vnd by derselben tag zit nit gewert wirt. dz ist dez selben jares zwifalt verfallen, sy belibint dann mit jro guotem³ willen dar vmb. vnd Richtent sy ald jr / Erben dann denselben zwifalten zins nit jnrent jares frist nach des Erblehen briefs lut vnd sag, so sind die gueter⁸ zinsfellig worden, sy belibint dann fürbaz dar vmb mit des / Capitels willen. ân alle widerred vnd geuerd. ovch⁴ nach dez